

214

48

# DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ

Orthodoxorum Medicorum Patrono.

## QUÆSTIO MEDICA,\*

QUOD LIBETARIIS DISPUTATIONIBUS

*manè discutienda, in Scholis Medicorum, die Jovis decimo nono  
mensis Januarii, Anno Domini M. DCC. LVIII.*

M. HUGONE CAPET, Doctore Medico, Præside.

*An inveteratis alvi fluxibus SIMAROUBA?*

I.



UANTA alvi fluxuum, tanta illos medicandi methodorum  
varietas. Morbi quidem vulgares inter cæteros, ac in princi-  
piis leves. Unde tamen tam crebro ingravescent? quòve sit ut  
queis tot salubria celebrantur auxilia, plerumque vel efficacio-  
ribus non cedant? Si à proximiori causâ rectam curationis ra-  
tionem petis, nulla videtur simplicior stomachi primùm, dein  
intestinelorum, functionis læsio: utri tamen ab excretorum na-  
turâ exploratâ occurrere nitaris, votis rarò cura respondet. Nunc ex indi-  
gestis excretionibus Cœliacum tibi curandum judicas affectum; ac incassum sæ-  
pius stomachica cardiaca, stomachicis absorbentia vicissim subministrabis. Nunc  
albicante dejectorum colore Lientericum, ob clausa vasorum lacteorum ac  
lymphaticorum ora, te suspicantem morbum fallunt mista anodynis aperientia.  
Si ex veterascente crudi ac serosi humoris fluxu pertinacem Diarrhœam stoma-  
chum simul ac intestina afficientem agnoscis, an ei certò anocathartica narcoti-  
cisque medeberis? Frequentemve ipsam furentis per intestina bilis excretionem,  
an acidula oleosis obtrusa securè compescuisse expertus es? Non torminosæ cruo-  
ris ex intestino profluentes eruptiones mucum tenacem tingentes, quæ Dysen-  
terix nomen audiunt, statim aut lenientibus, aut incidentibus, aut purgantibus,  
vomitoriis, ipsâque radice Brasiliânâ sedantur. Nec de continuæ humorum car-  
nis loturam referentium evacuationis, licet absque doloribus Hepaticum fluxum  
nuncupatâ curâ amarj balsamicisque medicamentis, aquisve mineralibus susce-  
ptâ tibi plaudes. Extremum mali discrimen, diuturnitas: principij non obsti-  
tisse peccatum grave fuit atrocibus symptomatibus luendum, Nutritio primùm  
succo defraudatum corpus enaciatur, gravius genibus factum onus, colliquan-  
tur carnes, vires deficiunt, hinc acriori crudoque affluente excremento interior  
intestini membrana exoriatur, pungitivus urget interdum dolor, frequens ina-  
nisque instat deijcendi cupiditas, succedit abdominis tensio, vomitus, urinæ  
suppressionio, hydrops, femorum ac pedum intumescencia, frigus, deliria, spaf-  
mata & singultus proximæ certiorisque mortis nuntij.

I I.

A Minus cognitâ labis causâ, tota ægritudo, omne periculum pender,  
unde salubriorum medicaminum fallax experientia. Errori occurrendum;

\* Auctore M. ANTONIO DE JUSSIEU, anno 1730.

A

2  
 illius originem non tam à pravâ alimentorum naturâ aut digestionem ac chylosi  
 viriatis quàm à præternaturali fibrarum intestinalium motu petamus. Qui spas-  
 modicus in capitis, abdominis, artuum musculis tot varias morborum larvas in-  
 duit; an non & intestina valet afficere? Quidni cùm ficta sit in spiras fibrosæ eo-  
 rum membranæ substantia, faciliùs huic motui non erit obnoxia? an quia obscurè  
 fit, oculisque non subiacet, idèò incertior? qui motus spontè propellendis inferius  
 excrementis æquâ vibratione constat, num frequenter ac irregulariter non peragi  
 potest? id insolitæ & repetitæ excretiones indicant, tormina, teneasmusque ipse  
 arguunt. Si ob ignotam physiologis succi nervei naturam motuum alias corporis  
 partes convulsivè afficientium causam explanare antiquus labor fuit, intestina  
 torquentium non minor est. Unum sufficit parem esse ab hoc frequentiori, ir-  
 regularique motu symptomatum rationem. Aspice ut in Epilepticis ab efræni  
 alternâque nervorum distensione & atoniâ, omnis generis excrementa invitè  
 eliminantur! Cerne, ut in singularibus oculi vel stomachi, vel uteri fibrarum  
 spasmis lachrymæ ultrâ fluunt, alimenta, ipse stomachalis succus evomuntur, &  
 fluor albus exprimitur! sic durante aut renovato intestinorum spasmocompressæ  
 eorum glandulæ viscerum exsudant mucum statim ceteris cum humoribus ex-  
 crementitiis violenter protrusum miscendum. Sanguine tunc copiosius ad læsam  
 illorum aliquam partem appellente, ibique hærente tenuicula ejus vasa liquore  
 quasi à syphone anatomico injecto distenta tument, phænomenum in dissectis dy-  
 sentericorum cadaveribus observatum, aliud irritamenti genus convulsivo super-  
 additum ægritudinem diutius protrahens. Spasmodicum intestinale his caracte-  
 ribus non agnoscis? novum lume ex aliarum partium motus convulsivos cu-  
 randi ratione argumentum. Quibus hi sedantur medicaminibus? anodynis, ten-  
 sionem solventibus, dolorem lenientibus, non fortiorum narcoticorum velut  
 opii more, sed temperatioribus quibus antispasmodicum nomen datum fuit:  
 quæ si præternaturalem hunc intestinorum motum pariter compescunt, vera  
 certioraque inveterati alvi fluxus erunt remedia.

## I I I.

**I**NSANABILEM tamen morbum dicere pudebit cui debellando medi-  
 caminum myriades dicatæ sunt; vel desperatos non orco dabimus ægros se-  
 mestri, annali, biennialique serosi aut sanguinolenti humoris bilivæ fluxu laboran-  
 tes, dum nulla est antiquorum recentiorumque Botanicorum pagina quæ alvum  
 sistentibus aut antidyntericis non abundat: tantam nihilominus inter reme-  
 diorum copiam salubrius unum præ cæteris veteris ævi Medicos celebrasse nemo  
 dubitat, nescio quo fato temporis successu perditum, Hoc Dioscorides, Pli-  
 nius, Galenus, & Serapio Macerem unanimi consensu appellant, corticem ar-  
 boris in Barbariâ, ut aiunt, ætate suâ crescentis. Illum eundem admirandæ vir-  
 tutis inter exotica, Europæorum commodo, recens reperta in Malabaricis oris &  
 sanctæ Crucis insulâ Indiæ Orientalis, Garcias ab horto & Christophorus à Costa  
 commemorant, pariter, ut narravere antiquiores, efficacæ contra cruentas alvi  
 excretiones, testes oculati. Talem Hispali Monardus, & apud Batavos Clusius  
 simili in cortice ex his sibi regionibus allato admirati sunt. Quem si Indico ab his  
 Autoribus observato, serè omninò simillimum nobis Guiana præbet Franciæ  
 æquinoxialis regio; cortex ex arbore *SIMAROUBA* apud incolas nuncupatâ; ut  
 Macer, sic ille nobis est exoticus; parem jam multis abhinc annis apud nos,  
 quàm apud Guianenses, effectum constanter præstat; color ei ex albo flavescens,  
 nullus odor, sapor subamarus, lentescitibus fibris constans; candido, levissimo  
 insipidoque radicem, stipitem truncique ligno hærens à quo faciliè separatur.  
 Decoctus primum ad unciam unam aut semissem in minimâ aquæ copiâ, sic apud  
 nos ut in Guianâ propinatus, vomitus sæpè, incommodosque serè semper fado-

res, & majora nonnunquam feri sanguinisque profluvia promovit, quo factum est ut panè oblivioni datum sit; sed correctis dosibus experientia rerum magistra salubritatis punctum attingit. Corticis minutim secti drachmas duas in aquæ libris duabus ad terriæ humiditatis consumptionem decoquo, decocti in doses quatuor divisi unam teritiâ quâque horâ tepidam propina, vel corticis aut ligni pulveratorum drachmam semissem in aquæ puræ uncis duabus dilutam, aut cum adianti syrupo in bolum redactam pro unâ dosi, horâ opportunâ præbe, repetitis hujus medicaminis sub quâlibet formâ dosibus ad integram usque sanationem. Perficitur illa absque ullo decocti potius fastidio, ullâ per vomitum, vel per secessum evacuatione; sedantur tamen unius diei spatio dolorum cruciatus, redit citò somnus, urinæ sunt copiosiores & limpidae, rariores evadunt evacuationes, sæcum odor fatidus cessat, color immutatur, è liquidis incrassescunt, cibos æger appetit, & brevi reficitur.

#### I V.

**A**D MIRANDÆ virtutis causam fiscitaris; in ipsâ Guianei corticis cum spasmotici intestinorum motus ratione reperies. Hic præternaturalis habetur, nonnisi quia vel citatior, vel irregularis, nec voluntati obtemperat, mero succi nervi vitio, cujus non modo depravationem corrigendi, sed & motus frequentiam coercendi Gummi-resinosæ Simaroubæ partes vim habent. Quid contra morbi sacri, hystericæ & melancholicæ affectionum convulsivos motus aliud præstare valent celebrata medicamenta Visci arborum, Pæoniæ, Aparines ac Gallii pulveres aut decocta? Quove tendunt leviter narcotica, Croci filamenta, Cynoglossi radix, Lactucæ sylvestris folia, Papaverum capita, & Hyoscyami albi semina? si convulsivos illa cæterarum corporis partium motus fistant, quidni & intestinorum? id Simaroubæ peculiare est præ cæteris, ut dum illa convulsivos motus curant, functiones alias lædant; his salvis, illos solus Guianæ cortex sanat: immò dum intestinis in decocto propinatus Balsamum suppediat, stomachum etiam immoderatis alvi fluxibus debilitatum corroborat, ciborum appetentiam excitat, eorumque digestionem amaris, incisivisque partibus favet, nec-non & erosæ intestinorum membranæ interiori sublatum ab acrioribus excrementis mucum restituit. Novo ergo efficacissimoque medicamine simplicium classis hoc cortice locupletior fiet, cum singulari virtute antispasmodica, stomachica, narcoticave vulgaria præcellat, cum astringentia longè superet, quæ non impunè fluentibus hæmorrhoidibus aut mulierum catameniiis interius præbentur, feliciterque hausto Simaroubæ decocto, cessante noxio alvi fluxu evacuanda, fluentiaque cætera liberè ac securè eliminantur; unde & antihystericâ vi plerumque pollere pluribus experimentis probatum est. Absit tamen ne Empiricorum more hoc unicum efficacæ certò remedium universi generis alvi fluxibus, convulsivisque motibus pronuntiemus: cum sero-biliosas, mucosas, sanguinolentasque ex cancroso intestinali ulcere, vel ex pulmonum abdominisque abscessu excretiones curatu impossibiles bonâ fide agnoscamus. Naturali medicaminis efficaciam unum addamus ad perfectam ægri curationem observandum necessariò, nempe & in ejus quâcumque aliâ inveteratâ excretionem usu applicando prudentiam, & in arboris cortice aut ligno eligendo, & in eo decocti vel pulveris formâ administrando, pro variâ ægrorum ægritudinumque ratione, necnon de dosi præfiniendâ temerè non statuendum, cum evacuatis jam stomachi primarumque viarum sordibus factum mitius malum semidrachmæ ligni pulverati uni vel alteri dosi quandoque cedat, & contra accedente cacochymia ad sæva morbi symptomata nonnisi pluribus repetitis decoctis corticis dosibus vincatur.

**P**RÆSENTANEORUM medicaminum ea est fors, ut in scænam medicam vix proferantur, quin innumeris telis oppugnentur; patentis efficaciz laus persæpè subdolis rationibus minuitur: sic non sine convitiis Cortex Peruvianus, felicem sibi aditum in simplicium medicamentorum familiam fecit. Cognitâ jam Ipecacuanhæ virtute, si non inutilem, tantùm, saltem ei succedaneum concedunt esse Simaroubam, nullo utriusque facto agendi discrimine, nullâque observatâ alvi fluxuum differentiâ. Dysenterias vel ab infarcto stomacho, vel ab obstructis mesenterii aut intestinorum glandulis excretiones vomitu curare Brasiliânæ radici detur; cortici Guineo serofobiliosos, sanguinolentos, mucososque alvi fluxus à continuo intestinorum convulsivo motu inveterascentes, illâstô stomachi functione & absque morsu sedando sanare concedatur. Spasmodicis intestina motibus affici posse quis neget, frequenti excretorum præcipitatione, viscerum torminibus, recti tenesmo, symptomatumque subitâ post haustum medicamini anodynî potum cessatione convincatur, si novam hanc proximam diarrhœam fluxûsque hepatici causam agnoscere nemini non licet; quidni soli exotico medicamini tribuendum, quod à nostratibus antispasmodicis obtineri pariter non poterit? horum usu levamen certò, rarò sanationem perfectam consequeris; horum inefficacia remedium præstantiori virtute præditum desiderari hæcenus probavit. Nec primæ, nec alteri, nec tertiæ dosi nonnunquam malum cedere obijcient fortè, nonnullaque aliquoties redire morbi symptomata, ac indurescentia, curationis initio, excrementa interdum adhuc liquefcere & cruentari: quid hæc in re occurrit, quod in probatissimi cujuscunque remedii usu non accidat, si absque regimine administretur? & licet unicâ Guineæ corticis decocti aut pulveris dosi etiam rebelles diarrhœas sanatas esse compertum sit, nûm minoris ideo habendus, si nonnisi aliquando quartæ aut sextæ dosis portione morbum vicerit? Diarrhœa aut dysenteria pluribus à mensibus vel ab annis laborantium majorem numerum hoc medicamine incolumitatem citius certiusque quàm ab ullo quolibet alio recuperasse sufficit, idque absque ullo fastidio, salvis cæteris functionibus, & sine ullo futuri aliûs incommodi periculo.

*Ergo inveteratis alvi fluxibus SIMAROUBA.*

# DOMINI DOCTORES DISPUTATURI.

<i>M. Petrus-Augustus Ader.</i>	<i>M. Carolus-Franciscus-Theroulde de Toulouse de Val-lun, Eques.</i>	<i>M. Camillus Falconet, Sals-bris Consilii Regii Socius, &amp; à Regiâ Namismatum Aca- demiâ.</i>
<i>M. Jacobus Barbeau du Bourg, Regiæ Scientiarum Aca- demiæ Stokholmienfis Socius &amp; Chirurgiæ Profef. designatus.</i>	<i>M. Anna-Carolus Lorry.</i>	<i>M. Hyacinthus-Theodorus Ba- ron, Antiquus Facultatis Decanus.</i>
<i>M. Joannes-Jacobus Messence,</i>	<i>M. Bernardus-Nicolaus Ber- trand.</i>	<i>M. Jacobus-Benignus Winslow, Antiquior Scholæ Magister, Censor Regius, Regiæ Scien- tiarum Academiæ, Regiæ- que Societatis Berolinensis Socius, Teutonice Lingue Regius Interpret, &amp; in Horto Regio Anatomæ ac Chirur- giæ Professor Antiquus.</i>

Proponerebat Parisiis **GUILLELMUS FUMÉE**, Bajocæus, Doctor Me-  
dicus Cadomæus, necnon Saluberrimæ Facultatis Medicæ Parisiensis  
Baccalaureus, A. R. S. H. 1758, A SEXTA AD MERIDIEM.